

Gestalt geleitet worden / daß es zu sonderbarer Recreation allerhand Wasserspil in dem Grottenwercklin treiben / auch dasselbige gleichsamb lebhaft machen thut.

**Fünffstens** / so ist hie in Consideration gezogen worden / daß all zu grosse Zimmer zu erbauen / dem Burgersmann mehr schäd: dann nützlich seyen / In Bedenckung / daß in disen unsern kalten Ländern / die grosse Stuben vbel zu erwärmen / vnd also hierdurch vergebliche Vnkosten müssen angewendet werden. Um andern aber / vnd wann die Zimmer nit gar zu groß angelegt / so kan man derselben auch desto mehr haben / Sintemalen vnd je mehr Schiedwänd gemacht / je besser vnd beständiger der Bau ( vor Erdböden vnd andern Erschüttungen ) zusammen geschlossen vnd verbunden wird ;

Gleichwol so ist es ein Wolstand / ein zwey / oder meist drey / grosse Zimmer zu haben / damit man dannoch etwan einen Gast darinnen Ehr erweisen / oder den Studiosen daselbsten ein Spaziergang einräumen / vnd dero Bibliothecen oder Kunstkammern hiehero zu verordnen / die Gelegenheit gehalten möge.

**Sechstens** / so ist hier wol beobachtet worden / die Plagam Mundi recht zu obseruiren / daß die vordere vnd beste Wohnungszimmer gegen Orient, Meridiem vnd Septentrionem ( sintemalen vnd gegen disen drey Seiten nicht bald Vngewitter zu besorgen / desßwegen allda die Läden anzuhengen / man kan oberhaben seyn / vnd selbiger Vnkosten wol zu ersparen ist ) gerichtet / die ander geringere Zimmer / sampt dem Garten aber / gegen Partem Occidentalem seynd gestellt worden / so wol zumercken ist.

**Sibendens** / daß die Stiegen mit solcher Commoditet geführt worden / damit sowol die gar junge als auch nicht weniger die alte betagte Personen / dieselbige gerühwlig steigen / fürnemblich aber neben jeder Stiegen / das Taglicht / mit einem paar Fenster gentessen können / So seynd endlich die auch wol bedürfftige Gelegenheiten / an solche Drth vnd fast im Mittel des Hauses gericht worden / daß man dieselbige kaum wahrnehmen / vil weniger einige Vngelegenheit desß Geruchs halber / darvon zu gewarten hat.

Wann nun hieoben erzehlte gute Commoditeten effectiuè in disem Haus gefunden / welches / vnd daß deme also / bey denen hernach folgenden Kupfferblatten der Augenschein zu haben ist / daß dann verhoffentlich dem Liebhaber der Architectur zu Nutzen vnd Wolgefallen dienen wird.

Das